







15

16

Q. D. B. V.

THESES IVRIS CRIMINALIS  
DE  
CAVSIS POENAM RAPINAE CAPITALEM  
HAVD MITIGANTIBVS

1776 3

QVAS

PRAESIDE

CHRISTIANO GOTTLIEB  
HOMMELIO D.

P. Ass.

TIT. DE VERB. SIGNIF. ET REGVL. IVR. PROF. PVBL.  
ET FACVLTATIS IVRIDICAE  
ASSESSORE

IN AVDITORIO MAIORE

DIE XII. IANVAR. A. R. S. c. 1776 CCLXXVI

PVBELICE DEFENDET

CHRISTIANVS IOANNES GOTTHELF BENNEMANN

DVBENA - SAX.



VITEMBERGAE

IMPRESSIT IO. CHRISTOPH. TZSCHIDRICHVS












DE  
CAVSIS POENAM RAPINAE CAPITALEM  
HAVD MITIGANTIBVS

Thesis I.



Disensus iuris Romani ab institutis patriis, maxime recentioribus, praeter alia et in definienda rapina, eiusque poena obseruatur. Illo enim iure grassatores vltimo supplicio non, nisi cum ferro aggredi et spoliare instituerant, idque saepius atque in itineribus publicis admiserant, sed damnatione ad matallum, vel relegatione in insulam punitos fuisse, edocet CALLISTRATVS in L. 28. §. 10. π. de Poenis. An vero CAROLVS V. in NEMESI sua Art. CXXXVI. in decernenda capitali poena ad limites iuris Romani respexerit, et hinc poena gladii iuris Carolini ex iure Romano aestimanda sit, anceps interpretum est quaestio. Quam, cum CAROLVS V. in cit. Art. ad ius commune Caesareum prouocet, et ob pertinacem illam priscorum Germanorum de rapinarum honestate





te persuasionem, affirmat A LEYSER ad  $\pi$ . Spec. DXXXV. med. 22. seq. et Spec. DXXXIX. med. 6 et 7. Sed fortiori iure, cum haec prouocatio ad Ius Caesareum nec in CONSTITUTIONE CRIMINALI BAMBERGENSI, nec BRANDENBURGICA reperiatur, sed indistincte in his sanctionibus, sicut in ipsa CAROLINA Articulo antec. CXIX. absque mentione alicuius iuris, raptoribus capitis poena irrogetur, deinde non constet, ane Imperator per ius commune Caesareum constitutiones Imperatorum Germanicorum decessorum antea iam latas intellexerit, tum verba finalia: *doch am Leben*, seriam voluntatem de raptoribus abscisse e medio tollendis euincant, et omnem dubitationem tollant, negantium KRESSII in Comment. ad CCC. Art. CXXVI. §. 1. num. 1. HEINECCII Elem. Iur. German. Lib. II. c. 76. KOCHII in Institut. Iur. Crim. Lib. II. c. 7. §. 248. not. BOEHMERI in Meditationibus ad CCC. Art. CXXVI. §. 8. sententiae subscribendum esse putamus. Saxones quoque, qui rapinae indolem in rei alienae mobilis animo lucri faciendi per vim personae, absque internectione, illatam ablatione collocant, hoc crimen, ob atrocitatem, non vbique seruatis iuris Romani antea laudatis requisitis, gladio, IVS PROV. SAX. Lib. II. Art. 13. Add. IVS PROV. SVEVIC. cap. CXIV. CONSTIT. ELECT. SAX. 35. Part. IV. et ex vetusta obseruantia cadaueris rota impositione, CARPZOV. Pract. Crim. Quaest. XC. num. 12. seq. nec non si cum furto qualificato coniunctum, ex EDICTO ad



ad Dicasteria lato d. d. 27. April. 1762. *CONT. COD. AVG.* Tom. I. pag. 403. coadunatis hominibus, magna-  
que violentia perpetratum, rota, violentia minori, laqueo,  
focis vero non adhibitis, gladio, addita exacerbatione,  
vt corpus rotae imponatur, animaduerterunt.

## Thesis II.

Cum crimen rapinae non omni ex parte ex regulis fur-  
ti, sed iure hodierno hoc tanto grauius ob pacis et secu-  
ritatis publicae atque domesticae violationem aestimetur,  
intellectu facile est, cur potissimae causae, quae ad tem-  
perandam furti poenam facere possunt, hoc crimine com-  
missio exulent. Quare non mitius cum raptore, qui rem  
minimam saltem eripuit, aut rem raptam in continenti  
restituit, aut cum laeso transegit, aut delictum ante re-  
sponsonem ad articulos inquisitionales confitetur, aut pri-  
ma saltem vice, aut solus hoc crimen perpetravit, agen-  
dum est. *MANDAT.* de an. 1719. et de an. 1753. *CONT.*  
*COD. AVG.* Tom. I. pag. 800. Add. *CARPZOV.* Pract.  
Crim. Quaest. XC. num. 43. seqq. *BERGER* in *Elect.*  
*Criminal.* cap. II. membr. I. Thes. 23.

## Thesis III.

Quamuis poena rapinae capitalis non obtineat, si quis  
depraedatur eum, a quo ante fuit spoliatus et offensus, si  
quidem iustus dolor, accursu inimici resuscitatus, mirifice





illi prodest, hoc tamen CARPZOVIVS in Praët. Criminal. Quaest. XCI. num. 43. seqq. erronee extendit ad eum, qui a tertio spoliatus in alium innocentem rapinam committit. KRESS. ad CCC. Art. CXXVI. §. 5. n. 6. BOEHMER Meditat. ad CCC. Art. cit. §. 11.

### Thesis III.

A poena mortis liberatur quidem praedator, si in banitos, proscriptos et famosissimos latrones, cum his securitas publica non aequae est parta, ac quidem aliis, rapinam exercet, KRESS. ad CCC. Art. CXXVI. §. 5. n. 5. et STRYCK. Tr. de damno rebus alienis licite dato cap. IV. §. 46. sed iustam defensionis causam haud praebet, si Christianus Iudaeum depraedatur, aut Synagogos Iudaeorum rapinis expilat. MYLII enim ad BEYERI Delin. Iur. Crimin. CCC. Art. CXXVI. pos. 17. secus sentientis opinio nec ex L. 6. C. de Pagan. nec alio iuris fundamento defendi potest. Iudaei enim, quam diu in territorio tolerantur, et iurium publicorum, quibus pax publica accensenda, participes sunt. HEINECC. Elem. Iur. German. Lib. II. §. 79.\* BOEHMER in Iur. Eccles. Protest. Lib. V. Tit. VII. §. 220. CASP. ZIEGLER. Disp. de Iuribus Iudaeorum cap. IV. §. 33. CHR. WILDVOGEL, de Iudaeorum receptione et tolerantia. IOH. VLR. L. B. CRAMER. rechtliche Ausführung, daß die Schutzjuden in Teutschland zwar in ciuitate, aber nicht de ciuitate sind; in ejus Nebenstunden Part. III.

The-



## Thesis V.

Permutatio vi praesertim ablativa facta ordinario depraedationis supplicio ita est vindicanda, ut necesse non sit, respicere ad aequalitatem, vel inaequalitatem rerum permutatarum. Satis est, si in vi adhibita animus lucri faciendi appareat. Nec obstat Proverbia germanica: *Tausch ist kein Raub*, nec dissentientium CARPZOVII Pract. Crim. Quaest. XCI. num. 13. STRYCKII Visu Moder. Tit. de Vi honor. rap. §. 6. KRESSII loc. cit. §. 4. n. 2. BERGERI in Elect. Criminal. loc. cit. HEINECCII Element. Iur. Germ. Lib. II. §. 77. ENGAVII Elem. Iur. Crim. Lib. I. §. 141. argumenta solido nituntur fundamento. Lucrum vero a raptore speratum non praecise debet esse pecuniarium, imaginaria utilitas captata iam sufficit. Hinc violenta vestimentorum permutatio, eum in finem tantum facta, ne delinquens ab aliis detegatur et ad iudicem trahatur, a capitis poena non liberat. Iung LEYSER. ad π. Spec. DLXXXV. med. vlt. Et ILL. G. F. KRAVS. in Disp. de Poena Rapinae eius maxime, quae permutando fit in Saxonia §. 8. seqq. BOEHMER. in Meditat. ad CCC. Art. CXXXVI. §. 12.

## Thesis VI.

Nec poena rapinae capitalis lenienda est, si vis personae illata ab inermi, cum manus saepe vicem validiorum armorum subeunt. BEYER in Delin. ad CCC. Art. CXXXVI. pos. V. aut a femina MYLIVS ad BEYER. loc. cit. pos. XII. aut ob vim non adeo vehementem adhibitam. BOEH-

MER



MER in Elem. Iurispr. Crim. Sect. II. §. 156. ILL. KRAVS. cit. Disp. §. 21. Ita et pronuntiauit Facultas Iurid. Lips. teste ILL. HOMMELIO in Rhapf. Iur. obs. 412. quamuis IPSE contra sentiat. Hinc si quis lucri causa v. g. in via publica pileum alteri, sed resistenti, detrahit, seque cum illo proripit, ab ultimo supplicio absolvendus haud est. Ceterum hic a nobis non recedit KRESS. ad CCC. cit. loc. §. 4. n. I. et ILL. HOMMEL. in Rhapf. obs. 138. iuncta obs. 412. cum in propositis speciebus magis astus, quam vis fuisset applicata.

## Theſis VII.

Audiendi non sunt raptorum defensores cum CLASSENIO ad CCC. laud. Art. CXXXVI. HEIL. in Iud. et Defens. cap. VI. §. 36. ENGAU. Elem. Iur. Crim. Lib. I. §. 141. seq. ILL. HOMMEL. in Rhapf. Iur. obs. 101. et obs. 412. qui rapinam ex loco iure quoque hodierno aestimant, et ad viam publicam tantum restringunt, si ea morte vindicetur. Nam nec SANCTIO CAROLINA, nec LEX SAXONICA, cum indefinite *derer Räuber*, non *Straßen-Räuber* mentio fit, nec ratio solida, ob aequalem securitatem vrbibus, pagis et cuius domicilio partam, hanc restrictionem comprobatur. Arg. L. 18. et 21. π. de in ius vocand. Conf. KRESS. loc. cit. §. 3. \* HEINECC. Element. Iur. Germ. Lib. II. §. 77. LEYSER. ad π. Spec. DXXXIX. corol. 2. Quod reliquum est, si non impetus fit in personam, sed vis inferitur aedibus tantum, rapina plane non est, quicquid in contrariam docere videatur MYLIVS ad BEYER. loc. cit. pos. XI. et KRESS. loc. laud. §. 4. num. 3.

\* ❧ \*



Wittenberg, Diss., 1774-76



3

f


Sb.











B.I.G.

Farbkarte #13

15

16

*Q. D. B. V.*

THESES IVRIS CRIMINALIS  
DE  
CAVSIS POENAM RAPINAE CAPITALEM  
HAVD MITIGANTIBVS

1776

3

*P. Ass.*

QVAS  
PRAESIDE  
CHRISTIANO GOTTLIEB  
HOMMELIO D.

TIT. DE VERB. SIGNIF. ET REGVL. IVR. PROF. PVBL.  
ET FACVLTATIS IVRIDICAE  
ASSESSORE

IN AVDITORIO MAIORE

DIE XII. IANVAR. A. R. S. c15 15 CCLXXVI

PVBLICE DEFFNDET

CHRISTIANVS IOANNES GOTTHELF BENNEMANN

DVBENA-SAX.



VITEMBERGAE

IMPRESSIT IO. CHRISTOPH. TZSCHIDRICHVS

